

INFOMEISEN PEPA 8

TRBR i stap blong helpem yu



Wanem nao Jael Onlaen Proteksen? (Protektem ol Pikinini long Intanet)

Jael Onlaen Proteksen (COP) hemi wan inisietiv we Intensonal Telekomunikesen Yunion i setemap long 2008. COP hemi wan intenasonal kolaboretiv netwok blong protektem ol pikinini raon long wol akensem ol tret long intanet long wei blong provaedem ol ligol, teknikol mo oganaesesonol meja.

Protektem ol pikinini onlaen hemi wan global jalens we i nidim global aproj. Nomata i gat finis plante efot blong impruvum jael onlaen proteksen, oli mekem moa wok long kaontri kompea long wanem we oli mekem ovasi.

Wanem nao yu olsem wan pikinini i save mekem?

SMART rul blong ol pikinini mo ol yang pipol.

S - Setem ol limit blong yu - Tingting tu taem bifo yu sherem eni ting onlaen. Taem we yu postem wan infomeisen long Intanet, yu nomo save karemaot o blokem nara pipol blong yusum. Mas lukaot wanem we i stap ia i save hapen se hemi no tru.

M - Mitim onlaen fren long oflaen - Tingting tu taem bifo yu mitim wan onlaen fren long ril laef. Putum long maen blong yu se onlaen fren blong yu i save hapen se hemi wan difren man o woman be i no man o woman we yu tingting long hem.

A - Akseptem invitesen/frenship - Tru long ol onlaen koneksen, yu save konekt wetem ol pipol we bifo yu no save olgeta. Ol strenja i save askem long yu blong yu inkludim olgeta long kontakt list blong yu mo luk profael blong yu, be hemi no waes blong akseptem olgeta. I nogat wan samting i rong sapos yu no akseptem ol invitesen we yu no sua long olgeta.

INFOMEISEN PEPA 8

TRBR i stap blong helpem yu



R - Riakt - Protektem yu wan long ol nogud kontent.

Yu no minim blong aksesem o sherem ol link long ol kaen saet olsem. Sapos yu luk wan samting we i botarem yu, yu talemaot long ol parens blong yu o wan man o woman we yu trastem.

Blokem eni wan we i toktok long yu i yusum ol rabis, agresiv o tritening imel o komen. Iven sapos mesej i nogud mo mekem se yu no fil gud, yu mas sevem blong mekem se yu save soem long wan bigman sapos yu nidim advaes.

Bambae i no yu we bambae yu sem long ol kontent blong ol mesej ia. Yu mas redi oltaem sapos wan man o woman, spesieli wan strenja i wandem toktok long yu abaot seks. Tingbaot se yu no save sua long tru aedentiti o ol tingting blong man o woman ia.

Toktokt long wan pikinini o wan yang man o woman long wan seksuol wei hemi oltaem wan serius konsen mo yu mas talemaot long wan bigman we yu trastem blong mekem se yu o bigman ia i save ripotem rabis fasin ia.

T - Talemaot long wan man o woman - Sapos yu gat eni konsen o problem taem yu onlaen, yu nid blong talemaot long wan man o woman we yu trastem. Ol parens blong yu o sam bigman i save help mo givim long yu advaes long wanem blong mekem. I nogat problem we i bigwan tumas blong solvem! Yu wandem gat tu wan jael help telefon laen we i aveilebol long kaontri o polis.

Samari

Yu save mekem sam gudfala samting long Intanet. Yu save plei kem, yu save jat wetem ol fren, mitim ol niu fren mo faenem plante infomesen we yu nidim. Yu gat raet blong enjoem mo faenemaot evri samting we digitol wol i save ofarem. Be yu mas lukaot tu se yu save faenem sam samting we bambae yu no hapi long hem long Intanet, olsem ol pitja mo ol stori we i save konfusim yu o iven mekem yu fraet.

Ol fren blong yu mo ol bigman we yu trastem olgeta i no ol onli pipol long digitol wol ia. Be ol pipol we oli yusum tu Intanet hemi ol pipol we oli nogud o oli save spoilem yu, harasem yu o mekem yu o nara pipol i fraet.

INFOMEISEN PEPA 8

TRBR i stap blong helpem yu



Taem we yu stap yusum Intanet yu nid blong save se i gat sam besik rul blong save sefgadem yu mo ol narawan. Yu gat raet blong yusum Intanet sefli mo putum wan limit blong yu. Mas smat, responsibol mo sef long Intanet semak olsem long ril laef.

Wanem nao yu save mekem yu olsem wan parens mo wan eduketa?

- 1.** Putum kompiuta long wan rum we evri wan i save yusum.
- 2.** Instolem Faeawol mo Anti-vaeres softwea.
- 3.** Agri long ol rul we oli putum long haos blong yusum intanet mo ol pesenol divaes, rispekte ol isu blong prae-vet laef, ej, ples we i no stret tumas, fraet mo denja long ol strenja.
- 4.** Ol rul we yumi agri long hem blong yusum mobael.
- 5.** Ol parens i mas save ol saet long Intanet we ol pikinini i go long hem mo oli mas save gud olsem wanem ol pikinini oli spendem taem long intanet.
- 6.** Faenemaot ol onlaen risos blong gat moa infomeisen long onlaen sefti mo olsem wanem blong yusum intanet long wan gudfala wei.
- 7.** Andastanem olsem wanem ol pikinini i yusum ol nara pesenol divaes olsem ol mobael fon, ol tablet, ol kem konsol, ol e-rid, MP3 pleia mo ol PDA.
- 8.** Luk sapos jusum mo blokem o moniterem ol program i save help sapotem o helpem ol pikinini mo yang pipol long gudfala yus blong intanet mo ol pesenol divaes. Sapos yu yusum ol kaen softwea olsem, eksplenem wanem nao i mekem mo from wanem yu stap yusum long ol pikinini blong yu. Yu kipim i sikret eni paswod blong ol program ia.

INFOMEISEN PEPA 8

TRBR i stap blong helpem yu



9. Kontrolem yus blong ol kredit kad mo ol nara peimen mekanism.

10. Wonem ol pikinini long ol fasin blong talemaot tingting blong olgeta long ol strenja.

11. Lukluk gud ol advataesing mo ripotem ol advataesing we i no stret.

12. Edukesen mo media literesi i impoten. Eksplenem ol gaedlaen mo ol rul blong virtuol wol. Ol pikinini bambae oli folem ol gaedlaen mo rimaenem oltaem ol nara wan blong mekem semak. Tijim ol pikinini blong yu blong no ansa long ol mesej we i gat ol nogud toktok mo blong avoidem ol toktok blong seks long intanet. Tijim olgeta blong no go insaed o openem eni atajmen o link we oli risivim taem we oli stap jat wetem ol narawan from se i save gat insaed long ol mesej ia ol nogud toktok.

13. Eskplenem long ol pikinini blong yu se ol foto i save talemaot plante pesenol infomesen. Yumi no mas alowem ol pikinini blong yusum webcam o blong aplodem eni kontent witaot apruvol blong wan parens, gadien o responsibol bigman. Enkarenjem ol pikinini blong yu blong no postem ol foto blong olgeta bagegen o blong ol fren blong olgeta wetem ol klia ditel we i save identifaem olgeta olsem ol saen blong rod, plet namba blong trak o nem blong skul blong olgeta long klos blong olgeta.